

metres. post hanc alias duas, utrinque nimirum unam duces, cum illa rectos angulos facuras. Sectionum labra unguibus apprehensa inuicē modicē dirimes, & uteri tunicam solis manibus à secundina sensim diuelles, uenarum arteriarumque ora ex utero in secundinam pertinentiarum pens, quod in partui proximis feceris facilius. Exemplum ab utero unā cum suis inuolucris <sup>f. vii. tab. figura 30.</sup> tum in peluim aqua plenam repones, atrum & uiridem quodammodo liquorem abluens, qui ex effractis uasorum oris promanat, secundināque obducitur. Modò autē diligenter secundinā substantiam, & quaecunque in illa spectanda sunt unguibus aut cultello examinabis, id imprimis animaduertēs, num ipsa membrana quāpiā sit uniuerso foetui obducta: an tantum instar latioris cinguli sit, lienis substantia efformati. Atque hīc etiam sedulo expendes, qualiter secundinā substantia externae superficiei eius inuolucris pertinaciter obnascatur, quod farmicinis imā gini comparamus, secundumque seu medium inuolucrum nuncupamus. Vbi itaque secundinae naturam adamussim examinaueris, foetum hunc inde attolles, secundi illius inuolucris naturam consideraturus, quam simulatque exterius inspexeris, atque qui totum foetum ambiat didiceris, cultello idalicubi pertundes, & foetus urinam profluere sines, ipsumque inuolucrum à foetu <sup>g. viii. tab. figura 30.</sup> inuertes, atque ab umbilico uasis dependere tantisper sines, donec intimi quoque foetus inuolucris sudorem continentis harmoniam didiceris. Hoc itaque pertusum & sudore euacuatum à foetu <sup>h. quēdam dū in 4. tab. fig. 30.</sup> amouebis, & ab umbilico etiam propendere sines, uasa umbilici inuicem disungens, meatum illum praecipue reperturus, cuius beneficio secus urina in secundum ipsius inuolucrum perfertur. Inuenies autē hunc promptē, si cultello uenas & arterias qua umbilico proximae sunt, diuideris, ac meatum in ipsum medio repositum indagaueris. Abscissis his umbilici uasis unā cum foetu inuolucris, & foetu in mensam extenso, à clauiculis per costarum cartilagineas ad pubis usque os sectionem in sinistro magis latere cultro aut nouacula molieris, quae in thorace & peritonaei usque cavitatem pertingit: deinde ab umbilico uenam in iecur & arterias, ad suos quibus inseruntur ramos, & meatum urinam deducētē ad uescicā fundum, paruo admodum negotio deduces, omnemque foetus administrationem absolues. Nisi etiam uisum esset inquire, re, num in foetu peculiaris aliquis processus à uena caua ad uenalem arteriam, & ab arteria magna in uenam arterialem pertineat. Acetabula uerò in oue aut capra sunt inuestiganda, utero utcumque uisum fuerit diuiso, abundē etenim fuerit uteri comparere cavitatem, quae in nō praegnantibus uacis oppletur tuberculis ab illis non dissimilibus, ex quibus paulo post sanguis e sede profluxurus est: aut si primo conceptionis tempore eiusmodi diuidatur uterus, tunc sinibus conspicitur decoratus, qui primum à ueteribus dissectionis professoribus acetabuli nomen sunt emeriti. Atque ita praesenti Capite partium quinto hoc libro traditarū administrandi rationem absoluiamus: itaque corpus sectionis serie reliquimus, ut ad reliquarum partium quas simul in illa administratione non recensui, demonstrationem neuiquam futurū sit inutile.

Umbilici uasorum examen.

Acetabulum exam.

LIBRI QVINTI FINIS.


AN.

# ANDREAE VESALII BRUXELLENSIS, DE HUMANI CORPO-

RIS FABRICA LIBER SEXTVS, CORDI IPSI QUE

famulantibus organis dedicatus, ac mox in fronte figuras sibi proprias offerens, quò minus & hīc quoque eadem figuræ uarijs Capitibus passim praefigantur.

## PRIMA SEXTILIBRI FIGVRA.



PRIMAE FIGVRAE, EIVSDEMQUE CHARACTERUM INDEX.

PRIMAE SEPTENS figura tantam hominis in dorso cubantis partem ex sinistro latere monstrat, quantam ostendendae thoracis sedi sufficere arbitrati sumus. Ab anteriori itaque thoracis sede et lateribus, ac dein ab aliqua colli regione cutem sectionis serie ademinimus, ac dein musculis qui costis obducuntur resectis, costarum ossa à suis cartilaginibus unā cum pectoris osse liberauimus, & costarum ossibus (uti inter secundum sit) effractis, costarum cartilagineas sursum uersus dextrum latus attraximus, ut thoracis amplitudo, hancque intersepientes membranae, et pulmo, reliquaque in conspectum uenirent, quae modo in characterum Indice significabuntur.

- A, A Sinistri lateris costarum indicantur cartilagineas, unā cū pectoris osse, dextrosursum sursumque tractae.
- B, B Intercostales musculi interualla cartilaginum occupantes.
- C, C Costarum à cartilaginibus seiunctarum ossa.
- D, D Intercostales musculi interualla ossium adimplentes.
- E Clauicula hic nuda, atque in sua sede adhuc asseruata cernitur.
- F Venarum, arteriarum, neruorumque in axillam perreptantium series.
- G Exterior iugularis uena hic mox auulsa cute secantibus occurrens.
- H, H Sinistra thoracis amplitudinem interdiuidens membrana, superficiei ipsius sinistra hic conspicua, quam etiam L, M, N & O indicant.
- I, I Septum transversum ea superficiei hic apparens, qua sinistram cavitatis thoracis sedem respicit.
- K Sedes ubi inter diuidentium thoracem membranarum sinistra septo conuascitur.

Aa 4 Hæc